

DOORASHADA GOLAHA BAARLAMANKA EE MIDOWGA YURUB 2019

Codaynta hore 15.–21.5.2019

Doorashadu waxay dhacaysaa maalinta axadda ah ee
26.5.2019

Codayntu way fududdahay!

2

Doorashada golaha baarlamanka ee midowga Yurub 2019

Baarlamanka Yurub waxa lagu dajjiyaa sharciyada saamayn ku leh nolol maalmeedeen. Sidoo kale baarlamanku waxa uu dajjiyaa qiyaasta maaliyadda ee midowga Yurub.

Muwaadiniinta waddamada EU- da ayaa doorta shantii sanoba mar wakiiladda galaya baarlamanka midowga Yurub. Doorashadu isku mar ayay ka dhacdaa dhammaan waddamada ka tirsan Eu-da.

Finland maalinta doorashadu waxa weeyaan axadda 26.5.
Codaynta horena waxay dhacaysaa 15.–21.5.

Finland waxa laga dooranayaa 13 wakiil oo ka mid noqda baarlamanka Yurub. Musharaxiinta waxa sharaxi kara xisbiyadda iyo ururrada sharixi kara ee ay ka soo jeedaan musharaxiintu. Musharaxiinta dhamaantood waxay ka sharraxanyihiin waddanka oo dhan.

Yaad cawimaad ka heli kartaa?

Howl-wadeennada doorashada ayaad ka heli kartaa wixii talo ah ee la xiriira maalinka hore ee doorashada iyo maalinka doorashadaba.

Goobta doorashada waxaa jooga caawiye qaabilsan arimaha doorashada . Haddii aadan adigu awoodin in aad buuxiso waraaqda codeynta, waxaad caawiyaha doorashada u kaxeysan kartaa qolka codeynta si uu kuu caawiyo.

Caawiyaha arimaha doorashada waxaa kuu noqon kara qof aad adigu keensatay, tusaale ahaan qof ehelkaaga ama qaraabadaada ah. Hase yeeshee caawiyuhu ma noqon karo qof musharax ah ama musharaxa qaraabadiisa ah. Caawiyaha doorashadu cidna uma sheegi karo, qofka aad u codeysay.

Sirta doorashada

Qof walbaa isaga ayaa iska leh go'aanka ah inuu codeynaayo iyo in kale, iyo qofka uu u codeynaayaba.

Sirta doorashada waxaa loola jeedaa, in aadan cidna u sheegin qofka aad u codeyneyso.

Ayaa codayn kara?

Adiga ayaa ka codayn kara doorashada wakiilada golaha baarlamanka ee midowga Yurub haddii,

- aad tahay muwaadin Finnish ah
- haddii ad tahay muwaadin ka mid ah waddamada kale ee midowga Yurub anad ka diwaangashantahay diwaanka xuquuqda codaynta ee Finland ugu dambayn 7.3.2019

Waxad ka codayn kartaa doorashada hore ama maalinta doorashada haddii ad ugu dambayn maalinta doorashada oo ah 26.5.2019 ad buuxinayso 18 sano.

Hal waddan oo midowga Yurub ka tirsan doorashadooda oo kaliya ayaad ka codayn kartaa

Ogaysiinta xuquuqda codayntu waxay kuugu soo dhacaysaa gurigaaga

Haddii ad xaq u leedahay in aad codayso warqad ayaa guriga kuugu soo dhacaysa.

Warqadda lagugu ogaysiinayaa in aad xaq u leedahay in aad codayn karto waxa kale oo kuugu qoran macluumaadka la xidhiidha goobta ad ka codaynayso maalinta codaynta. Waxa kale oo kuula socda liiska goobaha codaynta hore laga sameeyo.

Ayaad u codayn kartaa?

Musharax kasta waxa uu leeyahay tiro u gaar ah oo musharaxnimo. Tusaale ahaan goobaha codaynta ayaad ka arki kartaa musharaxiinta gobalkaaga tiradada u gaarka ah ee loogu codeeyo.

Macluumaadka ku saabsan musharaxiinta waxad ka heli kartaa tusaale ahaan jaraa'idata, telefishanka iyo internetka

Ku codaynta guriga

Haddii aad tahay qof si aad ah naafo u ah ama muddo aad u dheer xanuunsan, waxaad codbixinta hore ku codeyn kartaa gurigaaga dhexdiisa.

Waa in aad isku diwaan galisaa in aad guriga ka codaynayso.

14.5.2019 saacadda 16 intaan la gaadhin ayaad diwaan galintaada u gudbinaysaa guddiga xarunta doorashooyinka ee degmadaada.

Lambarka taleefanka ee guddigaas waxad ka heli kartaa warqadda ogaysiinta xuquuqda codaynta ee kuu soo dhacday.

Guddigaas waxad sidoo kale ka heli kartaa macluumaad faahfaahsan oo ku saabsan ku codaynta guriga.

Sidaan baad hore ugu codeyn kartaa

Adiga ayaa dooran kara inaad hore u codaynayso iyo in aad maalinta doorashada codaynayso. Waxad hore u codayn kartaa 15.-21.5.2019 inta u dhaxaysa waxanad ka codayn kartaa goob kasta oo hore looka codayn karo.

Marka aad u socoto codbixinta waxaad hore u sii qaadataa aqoonsigaaga shakhsiyadeed, tusaale ahaan baasaboar, kaarka aqoonsiga (teesare) ama ruqsadda gaari wadista (leeyinka).

1 Waxaad aqoonsigaaga shakhsiyadeed tustaa howl-wadeennada ka shaqeynaya goobta dooraashada.

Howl-wadeenku wuxuu hubinayaa aqoonsigaaga, wuxuuna ku siinayaa waraaqda codeynta.

2 Waxaad gashaa qolka codeynta..

Waxaad waraaqda codeynta si cad oo muuqata ugu qortaa lambarka musharraxa aad u codeyneysa.

Waraaqda codeynta wax kale ha ku qorin.

3 Dhexda iskaga laab waraaqda codeynta.

4 Ku soo laabo halkii uu joogay howl-wadeenka.

Waxaa uu shaabad saari doonaa waraaqda codeynta, waxaana uu ku siin doonaa baqshad midabkeedu bunnii ama kafee khafiif ah yahay.

Waraaqdii codeynta ku rid baqshadda, dabadeedna isku qabo labada af ee baqshadda oo iskula xir xabagta ama koollada marsan labada dhinac ee baqshadda.

5 Howl-wadeenku waxaa uu kaa codsanayaa inaad foomka saxiixdo.

Saxiixaas waxaad ku qireysaa, inaad adigu tahay qofka buuxiyay kaarka codeynta, laguuna shaabadeeyay, islamarkaana aad baqshadda ku xirtay.

6 Ugu dambeyntiina howl-wadeenka ayaa baqshaddii doorashada iyo foomkaba waxaa uu dhexgalinayaa oo ku xirayaa baqshad kale oo midabkeedu yahay jaalle ama huruud, si loo diro waraaqda

Sidan ayaad u codaynaysaa maalinta codaynta

Maalinta codaynta 26.5.2019 goobaha codayntu waxay furanyihiin saacadda 9-20.

Ka hubi warqadda ogaysiinta xuquuqda codaynta ee lagu soo diray goobta ad adigu ka codayn karto.

Waxa kuu bannaan in aad ka codayso goobta warqada ogaysiinta xuquuqda codaynta kuugu qoran oo kaliyaata

Marka aad u socoto codbixinta waxaad hore u sii qaadataa aqoonsigaaga shakhsiyadeed, tusaale ahaan baasaboar, kaarka aqoonsiga (teesare) ama ruqsadda gaari wadista (leeyinka).

1 Waxaad aqoonsigaaga shakhsiyadeed tustaa howl-wadeennada ka shaqeynaya goobta dooraashada.

Howl-wadeenku wuxuu hubinayaa aqoonsigaaga, wuxuuna ku siinayaa waraaqda codeynta.

2 Waxaad gashaa qolka codeynta..

Waxaad waraaqda codeynta si cad oo muuqata ugu qortaa lambarka musharraxa aad u codeyneysa.

Waraaqda codeynta wax kale ha ku qorin.

3 Dhexda iskaga laab waraaqda codeynta.

4 Ku soo laabo halkii uu joogay howl-wadeenka.

Waxaa uu shaabad saari doonaa waraaqda codeynta

5 Ku rid warqaddaada codaynta sanduuqa codaynta.

Ka codee doorashada wakiilada golaha baarlamanka ee midowga Yurub!

Warqaddan waxa luqad faseex ah laguugu siinayaa warbixin ku saabsan codaynta iyo doorashada wakiilada golaha baarlamanka ee midowga Yurub 2019.

Faah-faahin dheeraad ah oo la xiriirta codaynta waxaad ka heleysaa:

vaalit.fi

eurovaalit.eu

selkokeskus.fi

Waxad sidoo kale su'aalo ka waydiin kartaa doorashada iyo codaynta lambarka laguugu adeegayo ee wasaaradda cadaaladda. Lambarkaasi waa 0800 9 4770.